

5

LES SEPT EGLISES PRINCIPALES.



LA PREMIERE EGLISE *est S. Jean Lateran.*



A premiere Eglise, qui est le Siege du Pape, est celle de S. Jean Lateran, au mont Celius, laquelle fut bastie par Constantin le Grand, au lieu, ou estoit son Palais, & enrichie de grands reuenuz. Icelle estant gastee, & ruinee par les Heretiques, fut reedifiee par Nicolas quatrieme; & Martin V. commença a la faire peindre, & enlambriquer le paue, & Eugene IV. la finit; & de nostre temps Pie IV. l'a ornee d'un tresbeau soliveau, & a aplani la place de l'Eglise. Elle fut dediee, & consacree a l'honneur de Nostre Sauueur, de S. Jean Baptiste, & de l'Euangeliste, par le Pape S. Siluestre le 9. de Nouëbre, en la dedicace de laquelle apparut l'image, & figure du Sauueur, laquelle iusques a present se voit sur le daiz du grand autel, entiere, & exempte des feux qui par deux fois bruslerent l'Eglise. La Station y est le premier Dimanche de Quaresme, le Dimanche des Rameaux, le Ieudy, & Samedy Sainct, le Samedy in Albis, la veille de la Pentecoste, le iour de S. Jean deuant la porte Latine, & y gaigne ont la remission pleniere des pechëz, & la deliurance d'une ame du Purgatoire. Et depuis le iour de S. Bernardin, qui vient le 20. de May, iusques au premier du mois d'Aoust tous les iours on y obtient la remission de ses pechëz. Et le iour de la Natiuitè de S. Jean Baptiste, de la Transfiguration de Nostre Seigneur, de la Decollation du mesme S. Jean Baptiste, & de la Dedicace de Nostre Sauueur il y a pleniere remission des pechëz. Et le iour de S. Jean Euangeliste on y gaigne vingt, & huit mill'ans d'Indulgence, & autant de quarantenes, & la pleniere remission des pechëz, & tous les iours il y a 648. & autant de quarantenes d'Indulgence, & la remission de la troiesime partie des pechëz. Et quiconque ce-